

La regenza propona da stgaffir 10 regiuns

Refurma dal territori: La realisaziun da las regiuns vegg iniziada

■ (cc) La realisaziun da la refurma dal territori cumenza cun la firmaziun da las regiuns e cun ina revisiun parziala da la constituziun chantunala. La regenza grischuna ha avert la procedura da consultazion en chaussa. Il project cuntegna la determinaziun da l'uschenumnà plaun d'amez tranter il chantun e las vischnancas. Considerond ils aspects d'in adempliment optimal da las incumbensas sco er las ponderaziuns politicas propona la regenza da stgaffir 10 regiuns.

En sia sessiun da favrer 2011 è il cussegli grond sa fatschentà intensivamain cun la refurma da vischnancas e dal territori. En quest connex è il parlament s'exprimì per ina simplificaziun fundamentalia da las structuras statalas che duai vegin realisada d'ina vart cun agid d'ina refurma da vischnancas e da l'autra vart cun ina refurma dal territori. Las decisiuns fundamentalas claras dal cussegli grond èn stadas in segn per la regenza da prender per mauns immediatamain las lavurs da realisaziun. Sco emprima part da la refurma da vischnancas è vegin trassess en consultazion il matg il project parzial «Vischnancas burgaisas». Cun il project qua avant maun vegg iniziada la realisaziun da la refurma dal territori.

Intenziuns strategicas

Areguard la refurma dal territori ha il cussegli grond exprimì las suandantas intenziuns strategicas: Or dals districts actuals ed or da las corporaziuns regionalas actualas duain vegin furmadas e determinadas uffizialmain 8 fin 11 regiuns. A las regiuns duai vegin surdada la giurisdicziun civila e penala dals districts actuals.

Las regiuns pon gidar las vischnancas



Preschentaziun da la proposta per la refurma dal territori: da san. Thomas Kollegger da l'uffizi da vischnancas, cusseglier guvernativ Martin Schmid ed il secretari da departament Beat Ryffel.

FOTO Y. BÜRKLI

ad ademplir incumbensas surcommunalas. Ellas na duain survegnir naginas atgnas cumpetenzas fiscales e legislativas.

Dals gremis da decisiun da las regiuns duain pudair far part mo commembraas e commembers da las suprastanzas communalas.

Incumbensas administrativas chantunala pon vegin surdadas a las regiuns.

Las regiuns duain vegin concludidas avant il 1. da schaner 2013.

Als circuls na duain betg pli vegin delegadas incumbensas administrativas

chantunala. Fin che las structuras sin plaun regional èn realisadas duain ils circuls dentant pudair vegin engaschads er vinavant per ademplir incumbensas intercommunalas.

Per pudair realisar las prescripcions dal cussegli grond trametta la regenza en consultazion fin fin december 2011 il sboz per ina revisiun parziala da la constituziun chantunala. Il plan da termins prevesa che questa fatschenta vegnia suttamessa al cussegli grond il pli tard en la sessiun d'avust 2012. La revisiun

parziala da la constituziun chantunala suttastat al referendum obligatoric. La votazion dal pievel avess alura lieu previsiblamente il novembr 2012. Uschia po vegin observà il termin ch'è vegin prescrit dal cussegli grond, numnadaman che las regiuns stoppian vegin concludidas avant il 1. da schaner 2013.

Stgaffir 10 regiuns

En il rom da las prescripcions dal cussegli grond e considerond ils aspects d'in adempliment optimal da las incumben-

sas sco er ponderaziuns politicas propone la regenza da stgaffir 10 regiuns. Quellas s'orienteschon essenzialmain vi da la divisioon dals districts actuals. Il district dal Bernina, che ha ils pli paucs abitants, ed il district da Malögia duain vegin unids ad ina regiun. Uschia propona la regenza las suandantas regiuns: Bernina/Malögia, En, Plaun, Surselva, Landquart, Albula, Moesa, Plessur, Partenz/Tavau e Viamala.

Las regiuns duain esser ils circuls da dretgira per la giurisdicziun civila e penala. Ina realisaziun consequenta da las decisiuns concludidas dal cussegli grond ha per consequenza che las regiuns na dacentan betg corporaziuns da dretg public cun personalitat giuridica. Analogamain als districts actuals duain las regiuns dentant avoir la capacitat giuridica e l'abilitad d'agir en quels secturs nua ch'ellas adempleschan incumbensas.

Las adattaziuns necessarias en la lecha duain vegin fatgas l'onn 2013, suenter che la revisiun da la constituziun è veginida acceptada. Questas adattaziuns cumpigliant l'attribuzion da las singulas vischnancas a las regiuns sco er la concepziun organisatorica da las regiuns. Las regiuns duain pudair cumenzar cun lur activitat operativa il 1. da schaner 2015. Ils districts actuals e las corporaziuns regionalas actualas pudessan restar vinavant activas parallelamente fin la fin da l'onn 2016. Uschia è garantì in termin transitoric sufficient, durant il qual las incumbensas pon vegin transferidas a las regiuns dapert senza problems.

La consultazion dura fin fin december 2011. Ils documents da consultazion stattan a disposizion sin la pagina d'internet dal departament da finanzas e vischnancas sut www.dfg.gr.ch.